

**CENTRALNA BANKA
BOSNE I HERCEGOVINE**

**PREGOVARAČKI POSTUPAK BEZ OBJAVE OBAVJEŠTENJA O
NABAVCI ZA NABAVKU USLUGA – SERVISIRANJE VOZILA ZA
POTREBE CENTRALNE BANKE BOSNE I HERCEGOVINE**

I FAZA – FAZA PRETKVALIFIKACIJE

April, 2015. godine

**CENTRALNA BANKA
BOSNE I HERCEGOVINE**

Broj nabavke: 122-15-4-533-10/15SM od 14.04.2015. godine

Poštovani,

U ime Centralne banke Bosne i Hercegovine pozivamo Vas da dostavite svoju kvalifikacionu dokumentaciju u I fazi u pregovaračkom postupku za dodjelu ugovora za nabavku usluga – servisiranja vozila za potrebe Centralne banke Bosne i Hercegovine.

Procedura javne nabavke će se obaviti u skladu sa Zakonom o javnim nabavkama (“Službeni glasnik BiH“ br. 39/14).

I OPŠTI PODACI

- a) Naziv i adresa ugovornog organa: Centralna banka Bosne i Hercegovine, Maršala Tita 25, 71000 Sarajevo
- b) IDB ugovornog organa: 4200693920055
- c) Telefon: 033 278 100
- d) Faks: 033 278 299
- e) Web stranica: www.cbbh.ba
- f) Lice koje je ovlašteno da vodi komunikaciju u ime ugovornog organa sa dobavljačima: Almira Mujačić, tel. 033 278 234, faks: 033 278 366, e-mail adresa: amujacic@cbbh.ba.
- g) Broj nabavke: 122-15-4-533-10/15SM od 14.04.2015. godine
- h) Vrsta ugovora: usluge
- i) Procijenjena vrijednost nabavke: ukupno 31.000 KM (LOT 1 – 20.000 KM, LOT 2 – 5.000 KM, LOT 3 – 6.000 KM)
- j) Predviđa se zaključenje okvirnog sporazuma sa odabranim dobavljačem na period od godinu dana. Okvirni sporazum će se zaključiti sa jednim dobavljačem.

II PODACI O PREDMETU JAVNE NABAVKE

- a) Opis predmeta javne nabavke: usluge servisiranja vozila
- b) Nabavka je podijeljena u LOT-ove kako slijedi:
 - LOT 1 – servisiranje autobusa i specijalnog vozila za potrebe Centralnog ureda Centralne banke Bosne i Hercegovine
 - LOT 2 – servisiranje specijalnog vozila za potrebe Centralnog ureda Centralne banke Bosne i Hercegovine
 - LOT 3 – servisiranje vozila za potrebe Glavne banke Republike Srpske Centralne banke BiH
- c) Tehnička specifikacija predmeta nabavke: data je u prilogu tenderske dokumentacije – Prilog II

III USLOVI ZA KVALIFIKACIJU PONUĐAČA

Da bi učestvovali u proceduri javnih nabavki, ponuđači su dužni ispuniti sljedeće uslove:

III.a Ponuđač je dužan u svrhu dokazivanja lične sposobnosti dokazati da :

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa **izjavu koja je sastavni dio tenderske dokumentacije (Prilog I)**. Izjava ne smije biti starija od **30 dana** računajući od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Samo onaj ponuđač koji bude odabran kao najbolji u ovom postupku javne nabavke je dužan prije samog zaključenja ugovora, dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom . U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

III.b Ostali uslovi za kvalifikaciju

Ponuđač je dužan u svrhu dokazivanja sposobnosti obavljanja profesionalne djelatnosti (čl 46. ZJN) dokazati da je registrovan za obavljanje profesionalne djelatnosti. U tom smislu kao dokaz će se u obzir uzeti:

- *za ponuđače iz BIH koji su privredna društva/pravna lica:* aktuelni izvod iz sudskog registra, original ili ovjerena kopija, čiji datum izdavanja nije stariji od tri mjeseca računajući od dana dostavljanja ponude (pod danom dostavljanja ponude smatra se dan/datum, koji je ugovorni organ, odredio u tenderskoj dokumentaciji kao dan/datum za prijema ponuda). Akteulni izvod iz sudskog registra mora sadržavati sve podatke, za koje je, prema važećim propisima o registraciji, propisano da ih takav dokument sadrži
- *za ponuđače čije je sjedište izvan BIH:* odgovarajući dokument koji odgovara zahtjevu iz člana 46. Zakona, a koji je izdat od nadležnog organa, sve prema važećim propisima zemlje sjedišta ponuđača/zemlje u kojoj je registriran ponuđač

Dokumenti iz prethodnih stavaka priznaju se na teritoriji Bosne i Hercegovine, bez obzira na kojem nivou vlasti su izdati.

U slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

U svrhu dokazivanja uslova u pogledu tehničke i profesionalne sposobnosti (čl. 48 i čl. 50 ZJN), ponuđači su dužni dokazati sljedeće:

- a) Uspješno iskustvo u realizaciji najmanje 2 ugovora koji za predmet imaju servisiranje vozila, u prethodne dvije poslovne godine (2013. i 2014. godina), ukupne vrijednosti oba ugovora najmanje 20.000 KM – ukoliko se ponuda podnosi samo za LOT 1, najmanje 5.000 KM ukoliko se ponuda podnosi samo za LOT 2, najmanje 6.000 KM ukoliko se ponuda podnosi samo za LOT 3

U slučaju da jedan ponuđač dostavlja ponudu za više LOT-ova iznosi realizovanih poslova koji se odnose na pojedine LOT-ove se zbrajaju i moraju biti **kumulativno ispunjeni** (npr. ako ponuđač dostavlja ponudu za LOT 1 i LOT 2, mora imati uspješno iskustvo u realizaciji najmanje 2 ugovora o pruženim uslugama, koje su predmet ove nabavke, u prethodne dvije poslovne godine, u vrijednosti od najmanje 25.000 KM)

U svrhu dokazivanja uslova iz tačke a) ponuđač je dužan dostaviti sljedeće dokumente:

- a) Potvrda o uredno izvršenim ugovorima koja mora sadržavati sljedeće podatke:
 - Naziv i sjedište ugovornih strana ili privrednih subjekata
 - Predmet ugovora
 - Vrijednost ugovora
 - Vrijeme i mjesto izvršenja ugovora
 - Navode da je ugovor uredno izvršen

Ukoliko se potvrde, iz objektivnih razloga, ne mogu dobiti od druge ugovorne strane, u obzir će se uzeti **izjava privrednog subjekta o uredno izvršenim ugovorima, koja se dostavlja uz spisak izvršenih ugovora koji u tom slučaju treba da sadrži sve naprijed navedene podatke (dostavljaju se i izjava dobavljača i spisak izvršenih ugovora kao dva odvojena dokumenta)**. Dobavljač je u tom slučaju dužan predočiti dokaze o učinjenim pokušajima da obezbijedi potvrde svojih naručilaca (npr. zahtjev za izdavanje potvrde, upit prema korisniku usluge koji je blagovremeno poslan i sl.)

- b) Ponuđač mora imati odgovarajući nivo tehničke opremljenosti i osposobljenosti i mjere za osiguranje kvaliteta za izvršenje konkretnih usluga, odnosno mora biti opremljen profesionalnom radionicom sa svim mjernim i drugim instrumentima i alatima koji su potrebni za stručno i kvalitetno pružanje predmetnih usluga koje su specificirane ovom tenderskom dokumentacijom

U svrhu dokazivanja uslova iz tačke b) ponuđač je dužan dostaviti sljedeće dokumente:

- b) Izjava o tehničkoj opremljenosti i osposobljenosti i mjerama kojima raspolaže pružalac usluga za izvršenje konkretnih usluga a iz koje se može nedvojbeno utvrditi da ispunjava uslove iz tačke b) odnosno da ima na raspolaganju sve naprijed zahtijevano.

Dokumentacija kojom se dokazuje ispunjenje kvalifikacionih uslova se dostavlja se **čvrsto uvezana u jednu cjelinu** na način da se onemogućí naknadno vađenje ili umetanje listova. Pod čvrstim uvezom podrazumijeva se uvezivanje **jemstvenikom** (notarskim konopcem) ili **knjiški čvrsti uvez sa koricama**. **Neće biti prihvaćena dokumentacija koja bude uvezana spiralnim uvezom ili u običnu plastičnu fasciklu!**

Krajnji rok za dostavljanje dokumentacije u prvoj fazi postupka nabavke je 12.05.2015. godine do 13.00 sati.

Nakon prijema dokumentacije kojom se dokazuju uslovi iz I faze postupka, a po isteku naprijed navedenog roka, komisija nadležna za vođenje postupka izvršit će kontrolu i ocjenu iste u smislu provjere kvalifikacija ponuđača.

II faza – faza dostavljanja ponuda

Ukoliko ponuđač dokaže da ispunjava kvalifikacijske uslove za učešće u postupku nabavke u smislu naprijed navedenog, biće pozvan da dostavi svoju ponudu u ostavljenom roku koji neće biti kraći od 7 dana od dana obavještenja o rezultatima faze pretkvalifikacije. U ovoj fazi postupka dostavlja se samo finansijska ponuda na obrascu koji će kvalificiranim ponuđačima biti dostavljen od strane Centralne banke Bosne i Hercegovine, zajedno sa pozivom za dostavljanje ponuda.

Ponuda će se dostaviti na način, u roku i u skladu sa specifikacijom usluga koje će odrediti Centralna banka BiH.

Dodjela ugovora

Po završetku obje faze postupka, ukoliko Centralna banka donese odluku o dodjeli ugovora odnosno ugovor dodijeli pozvanom ponuđaču u ovom postupku javne nabavke, ponuđač je dužan prije zaključivanja ugovora dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i tom ponuđaču neće se dodijeliti ugovor.

Dokazi koje je dužan dostaviti izabrani ponuđač moraju potvrditi da je u momentu predaje ponude ispunjavao uslove koji se traže tenderskom dokumentacijom i koje je naveo u ranije dostavljenoj izjavi iz I faze postupka . U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku koji će se odrediti u samom obavještenju o rezultatima ovog postupka javne nabavke, a po njihovom prijemu, nadležna komisija koja je vodila cjelokupan postupak nabavke, izvršit će provjeru dostavljenih dokaza o čemu će se sačiniti i poseban zapisnik.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona. Ukoliko dostavljanjem tražnih dokumenata ponuđač ne dokaže istinitost navoda iz izjave, Centralna banka Bosne i Hercegovine neće potpisati ugovor sa izabranim ponuđačem.

PISMENA IZJAVA IZ ČLANA 52. ZAKONA O JAVNIM NABAVKAMA

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti (ponuđača) _____ (navesti položaj, naziv privrednog društva ili obrta ili srodne djelatnosti), ID broj _____, čije sjedište se nalazi u _____ (grad/općina), na adresi _____ (Ulica i broj), kao kandidat/ponuđač u postupku javne nabavke _____ (navesti tačan naziv i vrstu postupka javne nabavke) a kojeg provodi ugovorni organ _____ (navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj: _____ u Službenom glasniku BiH broj: _____, a u skladu sa članom 52. stav (2) Zakona o javnim nabavkama, **pod punom materijalnom i krivičnom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši ili se suzdržava od vršenja djela koje treba izvršiti on ili neko ko posreduje pri takvom podmićivanju službenog ili odgovornog lica.
3. Nisam dao, niti obećao dar ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

M.P.

TEHNIČKA SPECIFIKACIJA